



ՓԻԿԶԻ ՀՐԱՇԱՓԱՌԻ ԵՎ ՍՈՒՐԲ ՀԱՐՈՒԹՅԱՆ ՏՈՆԻ ԱՌԹԻՎ
ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԶ
ԵՎ ԿԱԹՈՂԻԿՈՍ ՆՈՐԻՆ ՍՈՒՐԲ ՕԾՈՒԹՅՈՒՆ
Տ. Տ. ՎԱԶԳԵՆ Ա ՀԱՅՐԱՊԵՏԻ
ԵՎ ԲՈՒՅՐ ԵԿԵՂԵՑԻՆԵՐԻ ՀՈԳԵՎՈՐ ՊԵՏԵՐԻ ՄԻՋԵՎ
ՓՈԽԱՆԱԿՎԱԾ ՈՂՋՈՒՅՆԻ ՀԵՌԱԳՐԵՐՆ
ՈՒ ԳՐՈՒԹՅՈՒՆՆԵՐԸ

Հռոմեական Կաթոլիկ Եկեղեցու Բահանայապետ Նորին Սրբություն
Տ. Տ. ՊԱՎՂՈՍ Զ ՊԱՊԻՆ (Հռոմ),
Կոստանդնուպոլսի Հունաց Տիեզերական Պատրիարք Նորին Սրբություն
ԱԹԵՆ ԱԳՈՐԱՍԻՆ (Ստամբուլ),
Մոսկվայի և համայն Ռուսաստանի Պատրիարք Նորին Սրբություն
ԱԼԵՔՍԻՆ (Մոսկվա),
Ալեքսանդրիայի և համայն Աֆրիկայի Պատրիարք Նորին Սրբություն
ԶՐԻՍՏԱՓՈՐ Բ-ին (Ալեքսանդրիա),
Անտիոքի և համայն Արևելքի Պատրիարք Նորին Սրբություն
ԹԵՈԴՈՍԻՈՍ Զ-ին (Դամասկոս),
Երուսաղեմի Հունաց Պատրիարք Նորին Սրբություն
ԲԵՆԵԴԻԿՏՈՍԻՆ (Երուսաղեմ),
Անտիոքի և համայն Արևելքի Սիրիական Օրթոդոքս Եկեղեցու Պատրիարք
Նորին Սրբություն ԻԳՆԱՏԻՈՍ ՀԱԿՈԲ Գ-ին (Դամասկոս),
Համայն Վրաց Պատրիարք-Կաթողիկոս Նորին Սրբություն
ԵՓՐԵՄ Բ-ին (Թբիլիսի),
Լիբանանի Մարոնիտ Պատրիարք Նորին Սրբություն
ԻԳՆԱՏԻՈՍ ԶԻԱԴԵԻՆ (Բեյրութ),
Քենտրբերիի Արքեպիսկոպոս, համայն Անգլիայի Եպիսկոպոսապետ և Միտրոպոլիտ
Նորին Սրբություն դոկտ. ՄԱՅԶԼ ՌԵՄՋԻՆ (Լոնդոն),
Ռումինական Օրթոդոքս Եկեղեցու Պատրիարք Նորին Սրբություն
ՀՈՒՍՏԻՆԻԱՆԻՆ (Բուխարեստ),
Բուլղարական Օրթոդոքս Եկեղեցու Պատրիարք Նորին Սրբություն
ԿՅՈՒՐԵՂԻՆ (Սոֆիա),
Սերբիայի և համայն Հարավսլավիայի Պատրիարք Նորին Սրբություն
ՀԵՐՄԱՆԻՆ (Բելգրադ),
Չեխոսլովակյան Եկեղեցու Պատրիարք Նորին Սրբություն
դոկտ. ՄԻՐՈՍԼԱՎ ՆՈՎԱԿԻՆ (Պրագա),
Աթենքի և համայն Հելլադայի Միտրոպոլիտ Նորին Սրբություն
ԽՐԻՍՏՈՍՏՈՍԻՆ (Աթենք),
Կիպրոսի Արքեպիսկոպոս Նորին Սրբություն ՄԱԿԱՐԻՈՍԻՆ (Նիկոպիա),
Էթիոպոլի և Արևելյան Աֆրիկայի Միտրոպոլիտ Նորին Սրբություն
ՆԻԿՈԼԱՅՈՍԻՆ (Ալեքսանդրիա),

Ղպտի Ուղղափառ Եկեղեցու Պատրիարք Նորին Սրբություն
Աբունա ԿՅՈՒՐԵՂ Բ-ին (Ալեքսանդրիա),
Համայն Եթովպիայի Պատրիարք Նորին Սրբություն
Աբունա ԲԱՍԻԼԻՈՍԻՆ (Ադդիս-Աբեբա),
Հնդկաստանի և Արևելքի Մալբար Եկեղեցու Կաթողիկոս Նորին Սրբություն
ՏԻՄՈԹԵՈՍԻՆ (Կերալա),
Նորին Ամենապատվություն Կարդինալ ԱՂԱԶԱՆՅԱՆԻՆ (Հռոմ),
Հայ Կաթողիկե Եկեղեցու Պատրիարք Նորին Ամենապատվություն
ԻԳՆԱՏԻՈՍ ՊԵՏՐՈՍ ՊԱԹԱՆՅԱՆԻՆ (Բեյրութ),
Արևմտյան Նյու-Յորքի Եպիսկոպոսական Եկեղեցու Առաջնորդ
ԼՈՐԻՍՏՈՆ ԼԵՎԻՆԳՍՏՈՆ ՍԶԵՅՅ Եպիսկոպոսին (Նյու-Յորք),
ԱՄՆ-ում Բրիտոսի Եկեղեցիների Ազգային Խորհրդի Նախագահ
Գերարժանապատիվ Հայր Ժ. ԻՐՎԻՆ ՄՅՈՒԼԼԵՐԻՆ (Նյու-Յորք),
Լատվիական ՍՍՌ Ավետարանական-Լուսերական Եկեղեցու Արքեպիսկոպոս
Նորին Սրբապետություն ԳՈՒՍՏԱՎ ՏՈՒՐՍԻՆ (Ռիգա),
Էստոնական ՍՍՌ Ավետարանական-Լուսերական Եկեղեցու Արքեպիսկոպոս
Նորին Սրբապետություն ՅԱՆ ԿԻՅՎԻՏԻՆ (Տալլին),
Մխիթարյան Ուխտի Աբբաճայր Հայր ՀՄԱՅԱԿ վարդապետ
ԿԵՏԻԿՅԱՆԻՆ (Վենետիկ),
Մխիթարյան Ուխտի Աբբաճայր Գերապայծառ Հայր ՄԵՍՐՈՊ վարդապետ
ՀԱՊՈԶՅԱՆԻՆ (Վիեննա),
Ֆրանչիսկյան միաբանության Կուստոդ
Հ. ԼԻՆՈՒՍ ԿՈՊՊԻԵԼԼԻՆ (Երուսաղեմ),
Եկեղեցիների համաշխարհային խորհրդի ընդհանուր քարտուղար
դոկտ. ՎԻԼՅԱՄ ՎԻՍՍԵՐ Գ' ՀՈՒՅՏԻՆ (Ժընև):

Մեր Տիրոջ և Փրկչի հրաշափառ և Ս. Հարության ավետիսով կողջունենք
Ձեզ եղբայրական ջերմագին սիրով և կմաղթենք, որ Աստված Ձեզ պարգևե
կենաց երկար տարիներ քաջամողջությամբ, որպեսզի սուրբ ներշնչումներով և շի-
նարար ոգիով շարունակեք Ձեր նվիրական առաքելությունը, ի ծաղկումն Ձեր Ս.
Եկեղեցիին և ի լուսավորումն Ձեր հավատացյալ ժողովուրդին:

Մեր քրիստոնեական հավատքի բազմադարյան վեմ Ս. Էջմիածնի սեղաններու
առաջ, Մենք կմանք աղոթող հարուցյալ Բրիտոսի սիրո և խաղաղության փրկարար
յատգամներուն հաղթանակին համար ի մեջ բոլոր ժողովուրդներու, ի մեջ համայն
յարդկության:

Փա՛ռք հրաշափառ Հարության Հիսուսի Բրիտոսի, որ մեծ ապավենն է և հաղ-
թությունը և կյանքի աղբյուրը մեր հուսացյալ հոգիներուն:

Եղբայրական սիրով ի Բրիտոս,

ՎԱԶԳԵՆ Ա

ԾԱՅՐԱԳՈՒԹՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

ԷԶՄԻԱԾԻՆ

ՆՈՐԻՆ Ս. ՕԾՈՒԹՅՈՒՆ Տ. Տ. ՎԱԶԳԵՆ Ա
ԾԱՅՐԱԳՈՒԹՅՆ ՊԱՏՐԻԱՐԷ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Աշխարհի բոլոր քրիստոնյա ժողովուրդները մի անգամ ևս պատշաճապատվում են
տոնելու, հանդիսավոր և սրտագին ուրախությամբ, այն օրը, երբ Աստուծո Որդին,
մեզ համար մաշիկացած, մեռելներից հարություն առավ հաղթականորեն, խավարից
մեզ առաջնորդելով դեպի լույս, տխրությունից դեպի ուրախություն, մահից դեպի
կյանք:

Աղոթելով լի պատրաստության այս օրերին, Մեր խոհերն ուղղվում են դեպի Ձերդ Սրբությունը և Ձեր եպիսկոպոսները, քահանաները և հավատացյալները: Մենք Ձերդ Սրբության մատուցում ենք մեր անկեղծ և լավագույն բարի մաղթանքները մեր Տիրոջ Ս. Հարության լուսափայլ տոնի առթիվ: Մեր աղոթքն է, որ հաբուցյալ Տերը Իր օրհնությունները հեղու Ձերդ Սրբության և Ձեր ամբողջ եկեղեցու վրա:

Այս տարին նշանավորվեց աննախընթաց մի ժողովով, որտեղ Ձերդ Սրբությունը միացավ մեր քրիստոնյա եկեղեցիների հարգելի մյուս գլուխների հետ, միջոցներ որոնելու առավել ազդու վկայության մեր Աստուծուն և Փրկչին Հիսուսի Զրիստոսի և այն Ավետարանին, որ Նա քարոզեց: Մխիթարական սույն դեպքը առավել մի ներշնչում է Մեզ համար: Աղոթում ենք, որ Ս. Հոգին ընկերանա նրանց բոլոր գործերին, որոնք կրում են Զրիստոսի անունը և Աստուծո պրոությունը լինի նրանց ճիգերի մեջ՝ խաղաղություն, արդարություն և միություն բերելու նրանց, որոնք փրկված են գառան արյամբ, և որոնք կոչված են Նրա հետ իշխելու մի աշխարհում, որտեղ Նա ամենայն ինչ վերանորոգել է:

Այս սրտագին աղոթքներին և եղբայրական լավագույն մաղթանքներին միացնում ենք, Ձերդ Սրբություն, Ձեր հարգելի անձնավորության և Ձեր հոգևորականության ու ժողովրդի համար, Մեր խորունկ հարգանքի արտահայտությունն ի Տեր, որը մահացավ և կրկին հարություն առավ:

ՊԱՊ ՊԱՎԼՈՍ Ա

Լ Ա Տ Ի Կ Ա Ն

Եղբայրաբար ողջագուրելով Ձերդ սիրեցյալ Սրբությանը Փրկչի հրաշափառ և Ս. Հարության տոնի առթիվ, ցանկանում ենք Ձեզ Իր հարատև ուրախությունը:

ԱԹԵՆԱԳՈՐԱՍ

Տիեզերական Պատրիարք Հունաց

Ս Ս Ա Մ Բ ՈՒ Լ

Ուրախ սրտով հղում եմ Ձերդ Սրբությանը մեր Փրկչի հարության տոնահանդեսի ուրախալիր ավետիսը:

Ամբողջ հոգով մաղթում եմ, որպեսզի այդ սրբական ուրախությամբ համակված լինենք մենք՝ հարության մեծ օրը տոնողներս, և որպեսզի այդ սրբական ուրախությունը առանց պակասելու ոգեշնչի մեզ մեր հովվական սրբական ծառայության սխրանքների մեջ:

Թող միշտ մեզ վրա լինի հաբուցյալ Զրիստոսի գերեզմանից եկող օրհնությունը, մեզ հետ լինի կյանքը և խաղաղությունը, մեզ հետ լինի հավատի հաղթանակը և երկնքի հավիտենական երանելության բերկրանքը:

Ձերդ Սրբության եղբայրական սիրով և նվիրվածությամբ ի Զրիստոս,

ԱԼԵՔՍԻ

Պատրիարք Մոսկվայի և համայն Ռուսաստանի

Ե Ո Ս Կ Վ Ա

Զրիստոսի Ս. Հարության տոնը շնորհավորելով, ողջունում ենք Ձեզ, եպիսկոպոսական դասուն և համայն հայ հավատացյալներին, մաղթելով հաբուցյալ Փրկչի թափուր գերեզմանից ճառագայթող կենսարար լույսի շնորհները Ձեր եկեղեցու և ժողովրդի վրա:

«Արդարև յարեալ Տեր»:

Կյանքի և անմահության մեծ տոնի ուրախ առիթով, մաղթում ենք Ձեզ երկար հովվապետություն, ի մխիթարություն Ձեր հավատացյալների և ի պայծառություն Հայաստանյայց եկեղեցու:

Մնալով միշտ ի Զրիստոս Ձեր եղբայրը,

ԶՐԻՍԱՓՈՐ Բ

Պատրիարք Ալեքսանդրիայի և համայն Աֆրիկայի

Ր Ի Ֆ Ի Ս Ի Ա

Ամեն տարի երախտագիտությամբ հիշում ենք այն սարսափելի չարչարանքների մասին, որոնց դիմացավ մեր սիրելի Տերը, կամավոր և խոնարհ կերպով: Այդ բոլոր չարչարանքները Նա կրեց հանուն մարդկային ազգի փրկության: Ապա Իր հարությամբ Նա հավատ ու վստահություն ներշնչեց Իր առաքյալներին, որոնք դարձան պայծառ լուսատուներ և շրջելով աշխարհով մեկ, լուսավորեցին ժողովուրդներին Զրիստոսի իմաստությամբ: Նրանք Ավետարանի ոգով սեր և խաղաղություն քարոզեցին մարդկանց միջև և կոչ արեցին հետևելու Զրիստոսի օրինակին, արժանալու համար հարության մեծ ուրախությանը:

Նման ուրախություններ ենք մաղթում Ձերդ Սրբության, իբրև վարձատրություն Ձեր առաքելաշավիղ իմաստուն գործերի, փրկելու համար հոգիները Ձեր Եկեղեցու հոգևոր դասի և համայն հավատացյալ հոտի:

Դպիրների հետ մեկտեղ գոչում ենք. «Հարության օրվա հանդեսին ողջագուրվենք և ներենք իրար և երգենք՝ Զրիստոս հարյավ ի մեռելոց, մահվամբ վճարելու և մահվան գերեզմանում կենդանի մնաց»:

Մեր Փրկչի՝ Զրիստոսի շնորհները թող միշտ լինեն մեզ հետ: Ամեն:

Եղբայրական սիրով ի հարուցյալ Զրիստոս՝

ԹԵՈԴՈՍԻՈՍ Զ

Պատրիարք Անտիոքի և համայն Արևելքի

ԴԱՄԱՍԿՈՍ

Մենք ստացած ենք Ձերդ Սրբության 31 մարտ 1965 թվակիր նամակը, որ մեզ բերեց Ձեր սրտագին շնորհավորություններն ու անկեղծ մաղթանքները մեր Փրկչի հարության առթիվ: Մինչ մենք մատուցում ենք Ձերդ Սրբության մեր ջերմ շնորհակալությունը, միաժամանակ աղոթում ենք ամենակարող Փրկչին, որ հարություն առավ մահից, այսօրվա օրհնությունները սփռելու Ձերդ Սրբության, հոգևորականության և բոլոր հավատացյալների վրա, մեր Ս. Եկեղեցու դրոշի ներքև:

Արդարև, Ս. Հարության օրը հավատացյալների համար լեցուն է խրատներով և դասերով: Մեր աչքի առջևն է մահվան տկարությունը, որն իշխեց մարդկության վրա մինչև հաղթական այն օրը, երբ մարդացած Աստվածը, որին խաչեց և մահվան դատապարտեց հրեական ազգը, պարտության մատնեց նրան Իր հաղթական հարությամբ, քաջալերելով հավարավոր և հավարավոր Իր հետևորդներին, հեզնելու մահը և ստանալու մարտիրոսության թագը, հավատալով Նրան, որ իրենց ևս հարություն առնել պիտի տա: Մինչ մենք հավակնում ենք զմեզ համարել որպես ճշմարիտ վկաները մեր Տիրոջ սուրբ հարության՝ ոչ-քրիստոնյաների մեջ, հույս ունենք, որ մենք ևս պիտի հարություն առնենք վերջին օրը Իր միջոցով, լինելու այնտեղ, որտեղ ինքն է:

ԻԳՆԱՏԻՈՍ ՀԱԿՈԲ Գ

Անտիոքի և համայն Արևելքի

Սիրիական Օրթոդոքս Եկեղեցու Պատրիարք

ԴԱՄԱՍԿՈՍ

Եղբայրական սիրով և ուրախությամբ ողջունում ենք Ձերդ Սրբությանը և համայն հայ հավատացյալ ժողովրդին Ս. Զատիկի մեծ տոնի առթիվ և գոչում.

«Զրիստոս լարեա՛ւ ի մեռելոց»:

Իր հրաշափառ հարությամբ Զրիստոս պարգևեց մարդկանց երջանկություն, ձապտառեց անմահություն, բերեց մարդկությանը խաղաղություն, ազատելով նրանց մահվան գերությունից, մեղքից և սատանայից:

Փա՛ռք և երախտագիտություն մեր Տեր Հիսուս Զրիստոսին, այժմ և հավիտյան:

Մեզ և Մեր հոտը հանձնելով Ձերդ Սրբության աստվածահաճո աղոթքներին, մնում ենք խորին հարգանքը և ամբողջովին Ձեզ նվիրված սիրեցյալ եղբայր,

ԵՓԵՄ Բ

Կաթողիկոս-Պատրիարք համայն Վրաստանի,

Միտրոպոլիտ Մոխեթայի և Թբիլիսիի

«Քրիստոս յարեալ:

Արդարև յարեալ Տէր: Ապելուիա»:

Իր խաչելությունից առաջ մեր Տերը Հիսուս Քրիստոս մարգարեացավ ասելով.

«Եւ ես յորժամ բարձրացայ յերկրէ, պամենեսին ձգեցից առ իս» (Յովհ. ԺԲ 32):

Ավագ ուրբաթ օր Իր խոնարհության մեջ, մարդիկ չէին կարող ըմբռնել Նրան որպէս Փառքի Թագավորը: Սակայն, խաչին վրա Նրա զոհաբերող մահվան գաղտնի պտուղը հայտնի դարձավ երրորդ օրը:

Հոր պորութեամբ և փառքովը Նա հաղթական դուրս եկավ գերեզմանից: Նրա սքանչելի հարությունը ցույց տվեց Նապարեթցի Հիսուսին որպէս փառավորված Փրկիչը, որին պատկանում է «ամեն իշխանություն երկնքում և երկրում» (Մատթ. ԻԸ 18):

Նախ հարուցյալ Քրիստոս երևաց Իր ընտրյալ աշակերտներին և այսպէս վերադարձրեց նրանց համարձակություն և առաքելական վկայություն: Ապա Նրա Եկեղեցու հավատարիմների վկայությունը շատ հեռուները տարածվեց, և շատ երկրներում մարդկանց շրթներից լսվեց այն խոստովանանքը, որ «Հիսուս Տէրն է»:

Մինչ տոնում ենք Զատիկը, հավատով միանում ենք այն անհամար բազմություններին, որոնց բարձրյալն Հիսուս ձգել է դեպի Ինքը: Մենք դարձյալ հղում ենք Ձեզ, սիրեցյալ Եղբայր մեր ի Քրիստոս, և Ձեր համայն հավատացյալ ժողովրդին, այս ուրախառիթ տոնի ողջույնը:

«Քրիստոս յարեալ:

Արդարև յարեալ Տէր: Ապելուիա»:

Թո՛ղ ամենակարողն Աստված օրհնի Ձեզ, Ձեր հոգևորականությունն և Ձեր համայն հավատացյալ ժողովուրդը, և թող հարուցյալ Քրիստոսը, միշտ ապրող և ներկա, բնակվի Ձեր մեջ և պահպանի Ձեզ Իր սիրո մեջ, Ս. Հոգու պորութեամբ:

Եղբայրական սիրով և ողջույններով, Ձեզ սիրող եղբայր ի Քրիստոս,

ՄԱՅՐԸ

Արքեպիսկոպոս Բենտրեբրիի,

Եպիսկոպոսապետ և Միտրոպոլիտ համայն Անգլիայի

ԼՈՆԴՈՆ

Խորունկ սիրով շնորհակալություն ենք հայտնում Ձեր եղբայրական շնորհավորանքների համար ուղարկված մեր Փրկչի՝ Քրիստոսի Ս. Հարության առթիվ, և մեր ամբողջ սրտի ջերմությամբ մաղթում ենք Ձեզ երկար կյանք և բազմաբարիքներ հարուցյալ Տիրոջից, Ձերդ Սրբության համար անձնապէս, Ձեր Եկեղեցու սպասավորներին և համայն հավատացյալ ժողովրդին:

ՀՈՒՍՏԻՆԻԱՆ

Պատրիարք Ռումինիայի

ԲՈՒԽԱՐԵՍՏ

Սիրով ողջագոյրում եմ Ձեզ և սրտագինս ողջունում.

«Քրիստոս յարեալ ի մեռելոց»:

Հարուցյալ Քրիստոսը բերեց մեզ ամենայն ուրախություն և խաղաղություն: Իր հարությամբ Նա սկիզբը հանդիսացավ մեր բոլորի հարության ու մեղքերի թողության: Մենք հավատում ենք Քրիստոսին և Նրա հարությանը, լուսավորվում Նրա խորհուրդներով ու գիտենք, որ ամենայն ինչ անցավոր է, բայց Նրա փառքը հավիտյան է: Ուստի և աղոթում ենք, որ Քրիստոս Իր շնորհներն ու խաղաղությունը պարզևի բոլոր մարդկանց, որպէսզի նրանք ապրեն փոխադարձ սիրով ու հաճությամբ՝ հանուն երկրային ընդհանուր բարօրության և երկնային փրկության:

Սրտագինս աղոթում ենք, որ հարուցյալ Քրիստոսը պահի ու պահպանի Ձեզ առողջ, պարզևի Ձեր հոգևոր դասին ու հավատացյալ հոտին խաղաղություն ու երջանկություն

ԿՅՈՒՐԵՂ

Պատրիարք Բուլղարիայի

ՍՈՖԻԱ

Եղբայրական սիրով ի Զրիստոս շնորհավորում ենք Ձերդ Սրբությանը, Հայ Եկեղեցու հոգևոր դասին և համայն հավատացյալ հոտին՝ Ս. Հաղության մեծ տոնի առթիվ:

«Զրիստոս յարեա՛ւ ի մեռելոց»:

Աղոթում ենք առ Աստված, որ Տերը պարգևի համայն մարդկության խաղաղություն և բարօրություն, ինչպես և պայծառություն մեր Ս. Եկեղեցուն:

Հանձնվելով Ձերդ Սրբության աղոթքներին, մնում ենք միշտ եղբայրական սիրով ի հարուցյալն Զրիստոս,

ՀԵՐԱՆ

Պատրիարք համայն Սեբրիայի

ԲԵԼԳՐԱԴ

Սրտագինս ու սիրով շնորհավորում եմ Ձեր զատկական տոնը և անձամբ իմ, Չեխոսլովակյան Եկեղեցու կենտրոնական խորհրդի և մեր ամբողջ հոտի անունից մաղթում Ձերդ Սրբության ուրախություն, առողջություն և աստվածային խաղաղություն: Թո՛ղ խաչված, հարություն առած և փառաբանված Աստուծո՛ւ Հիսուս Զրիստոսի սերն ու շնորհները միավորեն մեզ բոլորիս մեկ համերաշխ ընտանիքի մեջ, ի պայծառություն Նրա Եկեղեցու, համրապնդումն ամբողջ աշխարհի խաղաղության, որն այնքան անհրաժեշտ է մարդկության համար:

ԴՈԿՏՈՐ ՄԻՐՈՍԼԱՎ ՆՈՎԱԿ

Պատրիարք Չեխոսլովակյան Եկեղեցու

ՊՐԱԳԱ

Հարուցյալ Փրկիչը այժմ իր փառքի մեջ է և Նա ընդմիշտ իր Եկեղեցու հետ է, երեկ, այսօր և հավիտյան:

Ընդունեցե՛ք մեր եղբայրական շնորհավորությունները Ս. Զատիկի առթիվ և մեր մաղթանքները, որպեսզի Տերը պահպանի մեր Ս. Եկեղեցին, ի փառս Իրեն և ի փրկություն հավատացյալների:

Ի քրիստոս եղբայր Ձեր,

ԽՐԻՍՈՍՏՈՍՈՍ

Արքեպիսկոպոս Աթենքի և համայն Հունաստանի

ԱԹԵՆՆ

Ամբողջ տիեզերքը այսօր ավետում է մեր Փրկչի հրաշափառ հարությունը, որը խորտակեց դժոխքի իշխանությունը և մեռելներից հարություն առավ:

Մեր սրտի խորքից ողջունելով Փրկչի հարությունը, որը «մահուամբ զմահ կոխեաց և յարութեամբն իւրով մեզ զկեանս պարգևեաց», շնորհավորում ենք Ձեզ և հաղորդում մեր սույն զգացումները, եղբայրաբար ողջագուրելով Ձեզ, Ձեր Եկեղեցին և ժողովրդին:

Թո՛ղ հարուցյալ Փրկիչը ավելացնի Ձեր կյանքի տարիները, իր անսահման բարիքներով լիացնի Ձեզ, պարգևելով քաջառողջություն և բարի հովվապետություն, ի պայծառություն Հայ Եկեղեցու:

Մնամ ի Զրիստոս եղբայր,

ՄԱԿԱՐԻՈՍ

Միտրոպոլիտ Կիպրոսի

ՆԻԿՈԶԻԱ

Խորին շնորհակալություն հայտնելով, փոխադարձում ենք Ձերդ Սրբության մաղթանքները, աղոթքները և զատկական ուրախությունները: Խաղաղություն ու բարգավաճում մեր հույժ սիրեցյալ ժողովրդին, որ իր մարտիրոսագրության հիսնե-րորդ տարեդարձն է նշում:

ԿԱՐԴԻՆԱԼ ԱՂԱԶԱՆՅԱՆ

ՎԱՏԻԿԱՆ

Շատ երախտապարտ ենք Ձեր Վեհափառ Տերության՝ վատկական ազնիվ մաղթանքներուն համար:

Կխնդրենք, որ հաճիք ընդունիլ մեր ջերմ բարեմաղթությունները՝ զորացած մեր աղոթքով առ հարուցյալ Հիսուս, որպեսզի շնորհի Ձեզի բաջառողջություն, գործոց հաջողություն և բազմաթիվ հոգևոր մխիթարություններ, Ձեր կոնական և ապգոգուտ առաքելության մեջ:

Ուրախությամբ կհետևինք, ապրիլյան եղեռնի հիսնամյակին առթիվ, Մայր Հայրենիքին մեջ կատարվելիք ոգեկոչումի հանդիսություններուն:

Հայությունը, ի սփյուռս աշխարհի, կընթանա այս գեղեցիկ օրինակին համաձայն, և կջանա արժանավոր կերպով հարգելու հիշատակը մեր անմահ զոհերուն, որպեսզի ներկա և ապագա մեր սերունդները անոնցմով պարծենան, անոնց գաղափարականով ապրին և անոնց վսեմ տեսականեն ներշնչվին:

Առիթուն կօգտվինք խորին շնորհակալություն հայտնելու՝ մեզի ազնվորեն Ձեր առաքած «Կանոնագիր Հայոց» արժեքավոր հատորին համար:

Մնամք եղբայրական ջերմ սիրով և հարգալիք ողջույններով, Վեհափառ Տերությանդ աղոթակից՝

ԻԳՆԱՏԻՈՍ ՊԵՏՐՈՍ ԺԶ ՊԱԹԱՆՅԱՆ

Կաթողիկոս-Պատրիարք Տանն Կիլիկիո

ԲԵՅՐՈՒԹ

Մինչ թևակոխում ենք եղանակների թագուհին՝ զարունը, մեր Տիրոջ հարության տոնակատարությամբ, ողջունում ենք Ձերդ Սրբությանը խաղաղությամբ և սիրով, հանուն Եպիսկոպոսական Եկեղեցու:

Մենք գլխավորապես գոհություն պետք է մատուցենք մեր երկնավոր Հորը, Իր Որդու՝ մեր Տիրոջ հրաշափառ Հաղության համար, որովհետև Նա իսկական վատկական Գառնուկն է, որ զոհվեց մեզ համար, և որ վերացրեց աշխարհի մեղքը, Նա, որ Իր մահով հաղթեց մահվան, և կրկին հարություն առնելով, մեզ բերեց հավիտենական կյանքը:

Տարվա ամեն կիրակի օր, Եպիսկոպոսական Եկեղեցում, մեր հոգևորականությունն ու ժողովուրդը միանում են Հայ Եկեղեցու հոգևորականության և ժողովրդին, վերհիշելով Բրիստոսի հարությունը, սուրբ հաղորդությամբ ընդունելով Իր մարմինն ու աշյունը, խնդրելով, որ մշտական կերպով առաջնորդվենք ճշմարտության ճանապարհով, որպեսզի կարողանանք միասնաբար պահել հավատը և հոգին, խաղաղության պարտավորությամբ և կյանքի առաքինությամբ:

Ս. Զատկին հատկապես մենք հրճվում ենք, որ հարություն ենք առել մեղքի մահից դեպի կյանքը առաքինության, մինչ միացնում ենք մեր խոհերը ամենուրեք գտնվող մեր քրիստոնյա եղբայրներին, աղոթելով, որ Աստված առաջնորդի աշխարհը խաղաղության ճանապարհով, և որ Նա արագորեն Իր Եկեղեցուն շնորհի միություն և համերաշխություն:

Ամենայն բարի մաղթանքներով Ձերդ Սրբության, Ձեր Եկեղեցու և ժողովրդի բաջառողջության և բարգավաճման համար, որով մնում ենք Ձեզ սիրով եղբայր ի Բրիստոս՝

ԼՈՐԻՆՍՏՈՍ ԼԵՎԻՆԳՍՏՈՍ ՍՐԵՅՅ

հարաբերության ժողովի:

Նախագահ Արևելյան Եկեղեցիների

Եպիսկոպոս Արևմտյան Նյու-Յորքի,

ՆՅՈՒՅՈՐԸ

Բերում եմ Ձերդ Սրբության իմ սրտագին շնորհավորությունները. Բրիստոսի Հարության պայծառ տոնի առթիվ: Թող հարուցյալ Բրիստոսի կենարար լույսը խաղաղությամբ լուսավորի Ձեզ, Ձեր մեղծավոր գործակիցներին և հնադարյան Հայաստանյայց Եկեղեցին:

ԳՈՒՍՏԱՎ ՏՈՒՐՍ

Լատվիայի Ավետարանական-Լուսորդական

Եկեղեցու Արքեպիսկոպոս

Ռ. Ի. Գ. Ա.



Փրկչին հրաշափառ հարության ցնծերգը կհնչե դարձյալ Ս. Էջմիածնեն դեպի Ս. Ղապար, բերելով Մխիթարի որդիներու Ձերդ Վեհափառության սիրալեղ մաղթանքն և հուսադրիչ իղծերը, ավետավոր հրեշտակներու անուշ մեղեդիներուն հետ:

Օրհնյալ է հարությունն Զրիստոսի: Հուլումով կփոխադարձենք, Վեհափառ Տեր, և մեր խոնարհ աղոթքը կբարձրացնենք առ Փրկչին հարուցյալ, մաղթելով Ձեզի երկար ու երջանիկ տաշիներ, որպեսզի ի կատար ածեք Ձեր նվիրական առաքելությունը և շինարար բոլոր ծրագիրները:

Զրիստոսի հարությունը գրավական է մեր ալ հաղթանակին, երաշխիքը հոգիներու անմահության, անսասան հավաստիքը Ավետարանի քարոզության աստվածային ծագումին և անսխալ ճշմարտության, նվիրականացած մեշ բազմահազար սուրբ մարտիրոսներու վկայական արյունով:

Եվ ահա, ապրիլյան նահատակներու հիսնամյակի այս սրբազան շրջանին, կրոնքի և հայրենիքի մեր բյուրավոր զոհերու սուրբ Գողգոթային վրա, պայծառ կցոլա կանթեղը մեշ ազգի անջինջ հավատքին, վառ կայծկտումով, իբրև առհավատչյա նաև մեր ցեղին ալ վերանորոգ հարության և հավերժության:

Փրկչին Հարության սուրբ տոնը թող գա այս տաղի լուսի շողերով օծելու ապրիլյան մեր մեծ սուգը, և աստվածային հույսի անմար ցոլքեր արծաշոծ հոգիներու մեջ:

Մեր անկեղծ և սրտաբուխ մաղթանքն է, որ մեր նոր սերունդները, հայրենիքի և Սփյուռքի մեջ, արժանավոր ժառանգներն ըլլան մեր նախնաց լույս հավատքին և աննկուն կորովին:

Փոխադարձ սիրո ջերմ բղջունիվ և խորին մեծարանքով մնամ Ձեր Վեհափառ Տերության աղոթակից,

Վ Ե Ն Ե Տ Ի Կ

Հ. ՀՄԱՅԱԿ ՎԱՐԴԱՊԵՏ ԿԵՏԻԿՅԱՆ
Ընդհանուր աբբաճայր Մխիթարյան միաբանության

«Զրիստոս լարեալ»:

Թող խաղաղության Տերը շնորհի Ձերդ Սրբության և Ձեր Եկեղեցու բոլոր հավատացյալներին սուրբ հարության ուրախությունն ու խաղաղությունը:

Ժ Ը Ն Ե Կ

ՎԻՍԵՐ Դ՝ ՀՈՒՖՏ
Եկեղեցիների համաշխարհային խորհրդի
ընդհանուր քարտուղար

Ս. Զատիկի առթիվ շնորհավորում ենք Ձեզ, հարուցյալ Տիրոջ ճառագայթող լուսի ուրախալի վստահությամբ:

Ն Յ ՈՒՅ ՈՐ Ը

ԶՈՆ ՀԱՅՆՋ ԵՊԻՍԿՈՊՈՍ

Շնորհավորում ենք Ձեզ և հավատացյալ հայ եղբայրներին զատկական տոների առթիվ, մաղթում ենք Ձեզ քաջառողջություն և հաջողություններ խաղաղության համար մղվող պայքարում:

Բ Ա Ր ՈՒ

Անդրկովկասի մուսուլմանների
Շեխուլիսլամ ՀԱՐԻՄԶԱԴԵ
Մուֆտի՝ ՎԱԼԻԶԱԴԵ

ԱՆԴՐԿՈՎԿԱՍԻ ՄՈՒՍՈՒԼՄԱՆՆԵՐԻ ՀՈԳԵՎՈՐ ՎԱՐՁՈՒԹՅԱՆ
ՇԵՑԽՈՒԼԻՍԼԱՄ ՀԱՔԻՄՋԱԴԵԻՆ
ՄՈՒՖՏԻ ՎՍԼԻՋԱԴԵԻՆ

ԲԱՔՈՒ

Անկեղծորեն շնորհակալ ենք պատկական շնորհավորանքի համար: Աղոթող ենք առ Աստված՝ պարգևելու Ձեզ բաջառողջություն և հաջողություններ Ձեր գործունեության ասպարեկում: Ջերմապես մաղթում ենք ադրբեջանական եղբայրական հավատացյալ ժողովրդին բարօրություն և հետագա բարգավաճում: Թող ամրանան ու պաղգանան եղբայրական բարեկամության կապերը հայ և ադրբեջանական ժողովուրդների միջև:

ՎԱՋԳԵՆ Ա

ԾԱՅՐԱԳՈՒՅՆ ՊԱՏՐԻԱՐԶ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

ԷԶՄԻԱԾԻՆ